

# Kuin lancar Kempen Bi'ah Solehah

**KUALA KETIL** - Kolej Universiti Insaniah (Kuin) melancarkan Kempen Bi'ah Solehah atau lebih dikenali sebagai suasana Islami di Dewan Tuanku Pemasuri Hajah Haminah dalam kampus, baru-baru ini.

Pengarah Pusat Pemasaran, Komunikasi Korporat dan Pembangunan Perniagaan, Hamlan Din berkata, kempen anjuran Majlis Anjuran Mahasiswa Insaniah itu dirasmikan rektor baharu Kuin yang keempat, Datuk Dr Mohd Fakhruddin Abdul Mukti.

Menurutnya, Mohd Fakhruddin berharap kempen itu dapat digerakkan dengan berkesan dan memberi impak positif kepada seluruh warga Kuin.

"Beliau turut ingatkan pelajar dan kakitangan agar beri penekanan terhadap penguasaan ilmu melalui penguasaan bahasa, selain menyentuh soal pembangunan Kuin."

"Sebelum perasmian, majlis dimulakan dengan bacaan Yasin diketuai Fadhil Anwar daripada Kuliyyah Al Quran dan Sunnah bersempena dengan peperiksaan akhir yang bakal menjelang," katanya.